

قارئ الفنجان

كل الدفاتر ترتوي من مزوني
وكل القوافي عقب ما اكتبك شابت
قبلك من الاحباب خابت ظنوني
واظنوني بحبك ولا يوم خابت
واعينك اللي هي .. دوافع جنوني
وانفسي اللي من هوى الغير .. طابت
منهو قرا الفنجال ،، ولا عيوني
انت الوحيد اللي بالانثين .. ثابت !

احمد الردعان

معك !! تحلا هالحياه بعيوني
ويرتاح صدر من عنا الحزن كابت
ليت الصدف اتكون لا قلت كوني
ماكان ضحكاتك عن العين غابت
صوتك ليا منه استقر في اذوني
لحن عبادي من مشاعره نابت
عطر كفوفك كلما صافحوني
نفسي على اللي مابقي منه ذابت



أغنية

وياخذني حديثك للبعيد الأصدق الأقرب
واحس ان الزمان يعيد نفسه أو يكررنني!
قبل ما ارتاح بك مرتاح لك قلبي وجات اغلب
ظنوني:كن قلبي ضاع بك مني يدورني
أحس اني أعرفك قبل اعرفك! والحنين أغرب
لصوتك وابتساماتك وصفو ما يكدرني
كأنك أغنية مرت علي ول لحنها أطرب
أو انك حلم شفته قبل ه الليلة يعبرني
أنا مدري! ولكني لقيت بقلبك المهرب
عن اللي عشت فيه سنين من قبلك يكبرني
من ايام الدفا جيتي .. مطر عمري قبل تشحب
تفاصيل الحياة بغلطة تعجز تبررني
وش الأصعب من اسهل كلمة إحساسها الأصعب؟
نسيت اقولها من فضل قلبك لو يذكرني!
أحبك!! إيه أنا لك قلتها .. بس الزمن يلعب
علينا! يا هو يعيدك! أو انه بك يكررنني!!

زايد الرويس

